




03955

寶制堂下卷目錄

。序梅花太極圖



榮感詩序

贈孫大夫序

序飲

寶制堂錄下卷目錄一

贈中丞潘公序

贈毛大夫序

族譜序

叙帝命

問

呆人問

老人問

頌

應會堂頌

有序

特恩堂頌

有序

狀

奉二泉老師狀

答

海籌答壽榕軒先生

秋隴答

鳳村答

說

王應文字說

跋

題川風

寶制堂錄下卷目錄二

書黃太師卷後

書許氏說文後

祭文

祭泉山林太宰

祭宣成二賢

祭尊師黃未軒先生

祭張司馬涇川先生

傳

劉太守傳

桑公傳

墓誌銘

明隱士許騫菴墓誌銘

墓表

陳母鄧氏孺人墓表

白軒孫君偕配劉孺人合墓表

明誥贈奉政大夫四川按察司僉事顯考合浦訓

導府君封太宜人顯妣歐氏合塋壙誌

贊

梅國公自贊

寶制堂錄下卷目錄三

墓表

明隱士許騫菴墓誌銘

陳母鄧氏孺人墓表

墓表

寶制堂錄下卷

男 魯 錄

曾孫一翼重訂

六世孫斯來重輯 男好德校字

兄斯科 孫藻  
曾孫文燦 全校

序梅花太極圖

圖何梅也圖梅何昭物理也昭物理何天下之物皆有理也梅備焉是故圖梅昭物理也胡為乎圖梅昭物理也太極無朕昭其始也氣化有形昭其初也性寶制堂錄 下卷 一

資合凝昭其蘊也風神全具昭其萃也含春得月橫

煙帶雪昭其感也欽花就實昭其終也待用調元昭

其功也於戲備矣君子曰為此圖者其知道乎形上

者道形下者器器不離道者也為此圖者其知道乎



同年錄序

此正德丙子四川鄉試士同年錄也錄何齒序也齒序何公錄名序私錄齒序也何取乎私錄也公錄錄於公

令也私錄視公錄異焉諸士錄之義起者也私錄視公錄何異也公錄詳

制私錄詳事公錄重禮私錄重情是故錄之錄之也者重齒也錄成諸士執而序進秩然再拜曰請惠教焉予曰何言哉夫士誠偽義利趨舍背焉毫釐千里往者告諸子于賦菁莪矣何言哉諸士悚然復再拜

寶制堂錄

下卷

二

曰敢不惟夫子教言是服請進教焉予曰何言哉夫士文行華實內外初終出畏入肆榮辱幾焉昔者告諸子於歌鹿鳴矣何言哉諸士肅然後再拜曰敢不惟夫子教焉是服請終教焉予廼閱其錄而告之曰吁美哉諸子之志與可與論友矣夫友倫重義合仁輔信成是故厚倫崇義擇仁篤信以敦友也夫厚倫愛也崇義敬也擇仁智也篤信勇也愛斯親敬斯恭智斯哲勇斯毅友道備矣臣臣子子尊尊卑卑政政事事措之已矣故曰可與論友矣詩曰神之聽之終和且平言敦友也諸子勗哉吾將觀爾成哉諸士廼

欣然復再拜曰敢不重惟夫子教言是服

寶制堂錄

下卷

三



欣然復再拜曰敢不重惟夫子教言是服

序東山

東山敦孝也孝子道也敦孝竭子道也詩曰王事靡盬不遑將母言子道也夫子道臣道之本也子道缺臣道微矣是故敦孝以教忠也忠臣道也教忠篤臣道也詩曰是用作歌將母來諗教忠之謂也臬大夫凌川傳子昔守畿內郡將母以養有愛日之誠焉詩人爲之賦東山君子曰東山賦鶉羽其亡矣何也四牡周道也鶉羽非周道也詩人胡取乎東山東山固周道也詩曰君子所履小人所視

寶制堂錄

下卷



榮壽詩序

維

天子追崇禮成推錫臣工有差兩浙巡察張公賢資  
如 制獲承

休命于其翁太學君爲御史媪董爲孺人公方秉試  
士棘院

命至迺維翁媪降祥之期公北面稽首再拜祝曰維  
天畀壽維

皇錫榮兼者鮮矣維予大人上章同誕六袞並臻壽  
也爾矣臣服拜嘉

寶制堂錄

下卷

五

王言褒重榮也爾矣冀維豫康以迓天休以荷皇眷  
永永無斃眇予小子敢不敬共奉揚殊貺既已藩臬  
大夫潘子桑子傅子咸在劉子與焉咸再拜爲公賀  
公答拜藩臬諸大夫咸至咸再拜爲公賀公答拜拜  
已咸再拜致詞爲公祝公再拜謝劉子乃颺然曰休  
哉綏福昭德徵志考祥可謂備矣是故偕老並命具  
樂媿休既富既臧緝熙純嘏福之綏也端雅靖肅貞  
淑慈惠載教載育式懋丕功德之昭也葆光觀頤含  
章貽則素位而履服膺

寵光志之徵也弧悅合嘉冠服具耀崇顯前賁以昌

遐胤祥之考也夫昭德者綏福之本也徵志者考祥之基也德修則成志行則孚祥集則熾福介則繁福繁則固祥熾則延志乎則著德成則尊德尊者兆福斯介介斯固矣志著者符祥斯集集斯延矣是故綏福昭德徵志考祥既榮且壽休哉備矣蔑以加矣潘子乃再拜歌曰樂只君子萬壽無疆劉子曰富哉可謂綏福矣桑子乃再拜歌曰樂只君子邦家之光劉子曰富哉可謂昭德矣傅子曰再拜歌曰樂只君子德音是茂劉子曰富哉可謂徵志矣諸大夫乃再拜歌曰樂只君子保艾爾後劉子曰富哉可謂考祥矣

寶制堂錄

下卷

六

公乃再拜答曰吉甫作誦穆如清風諸君子之謂也子不穀敢不敬將爲大人頌

同薦錄序

錄何同薦也錄同薦何三載選士鄉薦于

國舉者同焉是故錄之錄之以厚倫也何也重友道也重臣道也重友道也有厚望焉重臣道也有厚責焉咸於錄焉斯考是故錄之以厚倫也典以禮具禮以義起義以志合志以道同君子避之節也昔也同斯薦也胥會周咨得其槩焉既養太學嘗錄之矣君子曰萃矣未茂也既牧畿郡嘗錄之矣君子曰茂矣未弘也今也諸子蘊者粹矣造者精矣形者顯矣微者明矣迺復錄之君子曰弘矣敦信勸忠崇業廣德

寶制堂錄

下卷

七

于茲備矣詩曰靡不有初鮮克有終慎也慎斯免矣

序餞

冬官郁子監權于越期而返藩大夫潘子劉子胡子  
葉子朱子萬子龐子臬大夫孫子蔡子巴子史子梁  
子閻將軍張子孫子胥餞于吳門之郭毅薦核旅爵  
洗竿奠廼獻廼酢廼酬廼賦諸大夫賦皇華既賦南  
山有臺既賦隰桑郁子謝曰不穀不足以承之也廼  
賦小旻君子曰富哉言乎皇華言使也舉之矣南山  
有臺言德也隆也已矣隰桑言燕賢也中心藏之至  
矣蔑以加矣美哉颯颯乎小旻隱而彰婉而中和而  
諍可謂共矣郁子再拜諸大夫咸再拜祖者徹乃別

寶制堂錄

下卷

八

榮感詩序

天子追崇先王進徽稱于母后隆聖孝也禮也詔賚于百官有司封錫如儀廣帝德也制也邇臣恰職承休命于所自出昭寵光服王度也典也邇惟侍御王公將命理醜政于吳越獲荷崇錫褒厥考妣榮矣顧弗逮躬拜臣服如存迺興感焉藩臬大夫請爲慶公曰吁曷慶哉大夫曰獲

君顯親順志矣敢不慶公曰親存者樂親沒者悲予愴予懷天也罔極大夫曰請爲慰公曰吁曷慰哉大夫曰懋德終慕竭思矣敢不慰君子曰易樂而哀同

寶制堂錄

下卷

九

情異致公可謂知孝矣慶以順志慰以竭思諸大夫可謂知禮矣是故獲君者義也顯親者仁也懋德者共也終慕者誠也匪義而獲君弗敬也匪仁而顯親弗愛也弗敬不可以懋德非共也弗愛不可以終慕非誠也是故懋德者獲君之至者也終慕者顯親之至者也共以畢義誠以體仁令名則焉公之孝於是乎大矣詩曰德音孔昭視民不忮公之謂也又曰他人有心予忖度之諸大夫有焉

贈孫大夫序

南江孫大夫楚人也舉宗伯進士初試東甌理官折  
訟獄恪政令脩有司也政成召爲內臺柱史振風紀  
倡諫諍舉憲度也厥翁大司徒再起三孤更爲詞林  
大史嚴紀載慎予奪重國經也史成擢爲越臬大夫  
越大邦也臬重任也飭廉潔弼教化厲法禁恤刑辟  
三載獻績以往申王章謹臣職也夫折訟獄明也恪  
政令敬也振風紀肅也倡諫諍直也嚴紀載正也慎  
予奪公也飭廉潔介也弼教化禮也厲法禁義也恤  
刑辟仁也是故仁德之容也義德之制也禮德之執  
寶制堂錄

下卷

十

也介德之辨也公德之弘也正德之守也直德之節  
也肅德之共也敬德之聚也明德之察也誠以主之  
遜以出之謙以居之勇以持之是故威行澤沅聲生  
譽張而績成矣君子曰良哉大夫理官其積也柱史  
徵矣大史明矣大夫著哉往茲卿也屏翰公也股肱  
相也心膂昭矣顯矣厥德先哉始也大夫將有事于  
行命筮遇泰之大畜其繇曰何天之衢畜極通也占  
亨泰道同也利見大人利有攸往大夫乃往比往諸  
君子出餞于祖庖人具醴人酌伶人奏既獻既酢既  
疇乃賦賦蓼蕭既賦裳華既賦蒸民大夫謝曰燕笑

譽處惠予懋矣敢不肅將以俟保茲  
天子式是百辟請以爲諸君子貺迺再拜稽首而別

寶制堂錄

下卷

十一



序飲

維

皇八年春王正月哉生明越日辛丑都帥李侯劉侯  
告諸藩大夫劉子葉子龐子臬大夫傅子萬子黨子  
汪子梁子江子曰維歲之初維春之孟維道之泰維  
惠之洽豫康哉請以譙舉如之何諸大夫咸曰脩禮  
敦好協義飾情備已譙可哉迺命僕夫御迺命膳夫  
庖迺命醴人饗迺集諸紫陽洞初飯洗爵三爵既迺  
躡諸三茆道院亞飯洗爵三爵既迺反駕折諸雲居  
浮屠之宮迺筵迺几迺獻迺酬迺奕迺射迺鼓迺歌  
寶制堂錄 下卷 十三

迺舞迺投壺矢迺序以賢迺序以不侮迺觴迺殫迺  
旅從者告夕迺徹諸大夫咸相謂曰茲會也樂也與  
哉劉子曰樂哉諸大夫曰樂何劉子曰猗與

主聖相賢時雍治休工熙吏逸民輯兵宴唐哉虞哉  
吾與子其際哉惡乎弗樂諸大夫曰然劉子曰未也  
節聞之靡不有初鮮克有終終哉終哉吾與子其圖  
哉詩曰無已太康職思其居無已太康職思其外諸  
大夫咸再拜謝劉子亦再拜謝李侯復再拜曰請書  
以示如之何諸大夫曰訐謀令觀美勸泆規備已書  
可哉劉子迺再拜書



贈中丞潘公序

維  
皇八年春王正月天下諸藩方伯率屬朝于  
天子

天子明聖坐饗明堂青室慶讓陟序式羣工時維  
浙藩左伯石泉潘公述職爲天下先覲禮既畢  
天子曰都惟女明朕簡在女女往朕將崇女陟女于  
羣辟右女其廣德心保我黎民弼予迓承天休以丕  
揚我祖宗耿光大烈于永世女其欽哉公拜稽首辭  
比至浙天官卿以中丞掇循雍豫荆楚之交請

天子曰俞使者馳璽書授公以社公拜稽首謝卜曰  
寶制堂錄

下卷

十三

往予小子節昔者同公對制太廷策名予忝公先比  
今同公承流浙藩視事予忝公後公往予倡諸大夫  
餞公于祖輿人馳膳夫具伶工奏執事者洗爵以進  
予小子獻公酢酢既臬大夫洗爵獻公酢酢既闡將  
軍洗爵獻公酢酢既公曰老子不云仁者贈人以言  
諸大夫曷贈予于行哉予小子遜諸臬大夫臬大夫  
長留子昔者對制敬皇同也迺颺言曰惟公賢哉日  
嘗守子閩郡恭謹仁厚奠民于休公往請廣諸以休  
于雍豫荆楚之民雍豫荆楚之民歲歎病甚茲其有  
瘳哉臬大夫萬子昔者貳憲于浙同也迺嗣言曰惟

公賢哉日嘗長子江臬振綱舉憲百寮用肅公茲往  
哉雍豫荆楚如倒懸然厥屬咸度公揚之有弗度公  
寧弗激之哉激之激一人而羣屬咸懼且革焉民斯  
慰矣惟公念哉諸大夫曰允哉公與咸顧予言子曰  
敷政布德體國經制典刑斯存予師師于公夙矣惟  
二大夫厥言昌哉劣也夫復何言請賦迺賦南山有  
臺諸大夫曰樂只君子邦家之基樂只君子邦家之  
光允哉公與既賦桑扈諸大夫曰樂只君子萬邦之  
屏樂只君子受天之祐允哉公與既賦采菽諸大夫  
曰樂只君子天子命之樂只君子福祿申之允哉公  
與公再拜曰美哉颯颯乎諸君子贈予至矣眇予其  
曷敢承諸大夫暨予小子咸再拜曰吁丕哉鄙與予  
儔曷足爲公贈惟公顯哉日將崇陟以弼于一人斯  
世其嘉靖于永永無斁

贈毛大夫序

越藩長毛大夫齊人也登孝皇五舉進士拜地官郎  
沉毅有爲君子曰達進冬官大夫轆轤肯綮應濟䟽  
辨君子曰哲擢守永平永平畿內郡也民隱洞悉愛  
澤下究君子曰惠武皇巡幸吳臣驕悍肆虐無忌郡  
邑騷然大夫抗執不撓禁民訛言休以重禍恬不爲  
動君子曰勇左右讒斐速下詔獄鞠覆無罪仍坐謫  
謫牧滇南支郡遂自稱曰滇涯志處困也君子曰正  
皇上紹統御極起貳秦臬備兵固原振耀戎武綏緝  
黎庶邊圉用靖君子曰肅再擢蜀藩叅知蜀方用兵  
寶制堂錄

下卷

十五

剪滅戎虜大夫運籌決勝饋餉不乏厥功告成君子  
曰武尋丁內艱復叅越藩未視事擬拜中丞撫巡西  
鄙弗果即進越藩右伯至越總治清戎兼理儲穀羣  
務畢舉重望屬焉君子曰毅昔者節也竊祿右伯承  
乏而左大夫代焉甫二閱月節也承命東撫大夫代  
焉再進左拜節也庸劣廢墜獲大夫而振焉君子曰  
宏博哉節也不穀叅僚黃子萬子龐子謂節言爲大  
夫贈節也何言夫達者才之克也哲者知之察也惠  
者仁之溥也勇者剛之發也正者義之執也肅者威  
之著也武者文之濟也毅者德之守也是故左伯者

藩之長也百司之綱也古者大國公侯之任也才以  
運之知以周之仁以容之剛以斷之義以裁之威以  
臨之文以經之德以涵之何有哉故曰宏博宏博之  
者宏而博也徃攸利矣由茲而卿焉相焉舉而措之  
爾矣詩曰樂只君子殿天子之邦又曰有覺德行四  
國順之請舉是爲大夫贈

寶制堂錄

下卷

十六

族譜序

內黃張氏右族也養於鄉校升於太學舉於京闈登於南宮入對於天子之廷爲丞爲令爲藩相爲封君爲內臺柱史萃焉父父子子兄弟賢賢貴貴老老長長幼幼秩秩如也雍雍如也夫謂盛矣夫惟懼其遠也宗以統之尊尊親親可謂篤矣夫惟懼其瀆也祠以合之昭昭穆穆可謂倫矣夫惟懼其渙也譜以繫之溯流放源推本達枝一世曰高九世曰玄遠于十世百世雲仍相嗣繩繩繼繼愈遠無窮焉可謂隆矣君子曰吁美哉敦仁崇禮協義厚倫可以觀俗寶制堂錄

下卷

七

矣是故同愛以敦仁也合敬以崇禮也定分以協義也正名以厚倫也可以觀政矣是故同愛則戚合敬則共定分則和正名則順是故愛同而戚仁斯敦矣敬合而共禮斯崇矣分定而和義斯協矣名正而順倫斯厚矣可以觀化矣是故五典惇叙九族親睦百姓昭明萬邦作孚於是乎權輿矣吁懋哉張氏之後人念哉詩曰子子孫孫勿替引之

叙帝命

日者大司馬䟽于上曰維山東盜起劇甚御史某式  
回迺猶命迺守吏率迺士卒淬迺鋒刃張挾迺弓矢  
逆戰于野獲厥渠魁殲厥群醜民迺奠以成功告厥  
功懋矣功懋懋賞敢具典以聞上曰咨朕嘉迺功女  
其敷錫如典大司馬迺具錫典于大宗伯大宗伯迺  
出內藏府金幣如典投使者馳錫于御史熊子之臺  
熊子拜稽首受錫䟽謝焉君子曰休哉訏謨茂勛豐  
報崇勸備矣夫訏謨茂勛者臣之職也豐報崇勸者  
君之寵也是故匪謨曷報匪勛曷勸臣職之舉也艱  
寶制堂錄

下卷

十六

哉匪報則謨曷彰匪勸則勛其罔樹君寵之賚也異  
哉吁嘉哉熊子職克舉矣於皇寵哉熊子曷以將之  
詩曰虎拜稽首天子萬年

問

呆人問

或問曰呆人何許人也涵虛子曰哲人也或曰哲人  
哲也謂之呆何也曰哲人爲赤子憂觸忤時諱言危  
氣勁三罹患不輟衆人謂之呆也或曰呆哲之反也  
哲則匪呆呆則匪哲以哲爲呆殆黑之謂白也奚可  
哉曰衆人呆也哲人匪呆也衆人以哲入爲呆亦猶  
夫哲人以衆人爲呆也求其實已矣或曰哲人匪呆  
也直受爲呆不辭何也曰斯其爲哲人也是故衆人  
曰許君子曰直衆人曰激君子曰忠衆人曰迂君子  
寶削堂錄

下卷

十九

曰正衆人曰愚君子曰知衆人曰昧君子曰明衆人  
曰沽名君子曰守道衆人以爲呆君子以爲哲呆人  
者取哲於君子已矣衆人弗恤也屈原曰衆人皆濁  
我獨清衆人皆醉我獨醒呆人也者殆將反之曰衆  
人皆哲我獨呆於戲天下多事人患不呆爾衆人皆  
呆天下其庶幾哉或者避席曰今而後迺知哲人之  
呆非呆人之呆也敢問呆人爲誰曰君其問諸解呆  
人者

老人問

太白老人者不知何許人也居青城山服草餐木卧石無慕於世日乃御風南入蒼梧躡羅浮東陟泰岱跨北海歷嵩華過吳之天平息焉東溟浪仙紫峰雲樵造之老人問曰二子來何莫也浪仙對曰慕師素矣昔者煉鼎海上蒼髯青衣一人赤髯朱衣一人黃衣小童二人來問鼎與之語是以莫也雲樵對曰慕師夙矣昔者采藥天台中婉靚二姬携數鬟來迓叩導引法飯胡麻乃返是以莫也老人曰有是哉可與論道矣頃則天方翁至老人問曰候翁久矣何見

寶制堂錄

下卷

二

外耶浪仙雲樵咸曰翁來亦何莫也天方翁曰癯子值縣弧之晨東方子持蟠桃來獻獻已李太君駕青牛來爲壽是以莫也老人歎曰有是哉翁壽幾何天方翁曰癯子齒長矣李太君爲柱下史出函谷隱去時癯子謝簪組反吳門矣東方子在襜褕廼今三見蟠桃熟矣翁復問太白老人曰老人壽幾何老人曰視翁固伯仲爾浪仙雲樵請曰師何脩而壽老人曰三全守一云爾浪仙曰何謂三全老人曰去五色以全目也去五聲以全耳也去五味以全口也雲樵曰何謂守一老人曰抱真以守神也天方翁曰有要



乎老人曰有哉辟穀浪仙雲樵作曰天方翁縣弧之  
晨李太君不遠千里來壽東方子且獻桃矣師容已  
哉老人曰吾意也乃挾浪仙雲樵御風往至則天方  
翁候諸門矣迺延于閨風之苑玄圃之墟登天帝之  
宮入神人之館坐焉交梨維核麇脯維穀玉液維觴  
擊雲磬奏鼉鼓吹瓊笙合以鈞天之樂鳳凰來鳴龜  
龍鸞鶴翔舞騰伏童子走告曰卿雲見日下醴泉出  
天方之池異甚老人輒然曰有是哉竒哉會也曷歌  
以壽翁哉雲樵歌曰飛爾鳥兮奔爾兔兮八萬一千  
爲翁度兮浪仙歌曰倏而海兮忽而田兮八萬一千  
寶制堂錄

下卷

二

維翁年兮老人乃歌曰天始而始兮地終而終兮先  
始後終維吾與翁兮天方翁謝老人挾浪仙雲樵御  
風而去

頌

應會堂頌有序

堂應會何示異也示異何物有機焉會逢其適應會名堂以示異也何爲乎應會名堂以示異也堂廷尉大夫一溪簡子作也初簡子起進士試令尹卜居清江寧厥翁也陟望于岡降觀其趾有京一區弗僻而隅弗隘而紆負陵帶闌左邑右廩天爲之儲地爲之虛鬼神爲之袪除龜從筮從迺芟迺闢迺構迺樹堂焉于斯若符而授若券而受是故曰機其機曰慶既而簡子績成內召逆翁以居維翁七袞期維誕祥堂

寶制堂錄

下卷

三

焉斯啟賓賢走趨燕娛用胥獻享以壽是故曰機其機曰樂旣而簡子被任命爲柱史時終天子隆孝兩宮馳恩邇臣維翁拜嘉鐵冠栽栽繡衣燦煌堂焉是僕堂焉是偃是故曰機其機曰榮維是三者獲也弗必至也弗兼咸有機焉維堂應之故曰應會應會也者應其會也是故名堂以示異也示異以昭則也子小子節獲登斯堂棘如翼如闐如秩如大人攸芋退而歎曰美哉堂子樹德迓休錫類遺穀徵哉備已今也簡子載被寵命命爲廷尉大夫廷尉天下之平也勿宥勿辟協中以治進焉而卿股肱耳目進焉而相

喉舌心膂維茲堂有光哉是維曰慶慶斯大矣是維  
曰樂樂斯盛矣是維曰榮榮斯至矣維茲堂永有譽  
天下哉節也謏陋請爲大夫頌之頌曰清江之濱萃  
靈秘神聿崇厥堂爰謨既訐爰築以居迺居迺康司  
寇上卿應會肇名鴻庥丕揚厥會維何厥應孔那榮  
樂維慶叶維昌其期維隆其塞其機靡常寵褒有赫  
天子是錫德音皇皇自天祐之純嘏攸宜俾熾而昌  
以續以嗣祖禰孫子終焉允臧大猶是經是訓是程  
於昭烈光君子令儀載誦以詩以式萬邦

寶制堂錄

下卷

三

特恩堂頌有序

堂以特恩名何昭特恩也何昭乎特恩也高吾陳公起制長溟臬天子紹大統首召爲齊東藩長斯特恩乎曰固矣未也公聞命以病告臺臣請曰公才賢也速之不可從之不可需其愈而召之可也僉曰如外制何天官卿曰外制常也視內殊常也需其愈而召之視內焉可也聞于天子制曰可茲其爲特恩也是故召之召之也者示不忘也公茲復爲江藩長矣又進爲御史中丞拊循乎江之全域矣皆特恩也弗及之何成于昔也節也陋爲公頌之頌何頌特恩也來

寶制堂錄

下卷

二四

者咸弗及何矣也何矣也矣吾邦之人頌也矣天下後世之人頌也頌曰鹿溪之陽高吾之岡使臣是堂使臣印印時維俊良肅清炎荒神堯紹唐保釐東方使臣是將使臣飛章驅馳弗遑臣軀羸尪明明聖王俞予贊襄庸需其康凡超越常恩庥濺汪貴于南邦使臣悚惶服茲寵光曷其敢忘儀圖孔彰追金珠璜斯堂永藏高吾煌煌鹿溪湯湯赫昭厥祥使臣蹙蹙王休對揚萬壽無疆

狀

奉二泉老師狀

竊惟今之大臣進退以道一時士大夫氣節風靡籍以增重惟明公爲然往歲明公以侍養疏懇乃得旨溫慰俞允天下士大夫知有孝也明公日以愉養爲樂若不復事天下事者有司者以再起告御史以便養再起聞太宰以太司徒繼以太宗伯疏請乃得召辭至再乃起天下士大夫知進有禮也中古以降公卿宰執鮮不由援而進者援以正猶歎焉况未必正而利而勢焉克有終者蓋鮮矣胡通要之能义邪風寶制堂錄

下卷

二五

俗習尚由是日卑下如江河之趨于海不可挽也故曰大臣進退以道士大夫藉以增重者也某下邑鄙人也荷不捐遺收錄而曲成之芻蕘之言僭有所懇明公繫天下之望重矣天下多事皆微也微者易舉也寧無至大至難者乎天下之至大至難范景仁所陳十九疏者是也韓稚圭歐陽永叔相繼言之卒收社稷之功不在絳侯梁公下明公今日所任彞教禮樂又古契夷夔之任也典彞教興禮樂舉明主於三代之隆試以景仁之疏日與諸元老勲戚僉謀而昌言之他日收社稷之功不在韓歐下生之願也天下

士大夫之至願也狂瞽之罪不勝殞越

寶劑堂錄

卷一

二六



答

海籌答壽榕軒先生

南海老翁坐海屋上右一壺貯籌數十莖手執籌數莖餘百數十莖置左方羅浮道人過之問焉斯籌何等也翁曰滄海桑田更相爲變一變吾貯籌一莖于壺籌是以設也道人曰籌貯幾莖矣翁曰數十莖矣道人曰然則翁何以執斯籌也翁曰吾俟其變貯之也往者或三千年一變或千五百年一變或五百年一變吾見其將變執是俟之也道人曰變又近何異也翁曰上古聖人在上天天地各奠其位故久而不變也中古聖人者出天得其清地得其寧海自田復田自海復是以變若近也道人曰變如是久近異也翁何以俟之或又焉而亦俟之邪翁殆我欺也翁曰吾欺乎哉吾見聖人出矣山不崩川不竭海不揚波三年矣海變而田田變而海者茲當復矣變變也復亦變也吾執吾籌俟其變而復也吾欺乎哉道人曰然則翁壽矣乎翁曰吾不知也吾坐海上嘗聞龍馬負圖出於河矣迺復神龜負書自洛而出時吾年視今已過半矣壽則吾不知也道人再拜謝曰翁壽矣哉先天地而始後天地而終者翁其人也翁壽矣

哉敢以姓氏請翁輟然曰吾榕軒翁也姓何氏子往  
爲我告于人人曰聖人在上天下壽矣

寶劍堂錄

下卷

二八





秋瀧答

西昌羅子中一志於道擇攸觀焉筮得坎羅子曰天地山澤雷風水火皆道也吾得坎焉坎水也吾將求諸水乎則之泉嘆曰源泉混混盈科後進道之序也吾何敢怠既之川嘆曰逝者如斯不舍晝夜道之則也吾何敢怠既之瀧嘆曰觀水有術必觀其瀾道之會也吾何敢易廼止諸瀧觀焉斯斯夕斯寒斯暑斯春斯秋斯弗去也有客還自海上問羅子曰汝觀諸瀧足乎孰與吾觀諸海也羅子答曰觀諸海者難爲水吾固將觀諸海也客曰觀汝瀧孰得羅子曰秋哉

寶制堂錄

下卷

三

夫水春則溢秋則澈溢則昏澈則明及諸吾心昏則窒明則通吾於瀧奚取哉取其澈焉爾矣客曰子於道庶幾哉於水觀焉取諸瀧於瀧觀焉取諸秋子於道庶幾哉吾將與子觀諸海

鳳村答

蒼玉山人造赤霞老翁之宮問曰吾聞中國有鳳村焉願從老翁觀之敢問鳳村何也老翁答曰鳳神爲也鳳村鳳所出也山人曰鳳常有乎老翁曰否鳳不常有者也山人曰不常有也而曰鳳村何也老翁曰夫鳳鍾天地之和應聖王之瑞而生者也即其地而稱焉故曰鳳村鳳所出也山人曰鳳不常有也翁嘗見之乎老翁曰吾嘗見之矣始也見其巢于阿閣矣既而見其儀于虞廷既而見其鳴于岐山之陽未幾集於卷阿之上歌之者曰鳳鳳于飛翾翾其羽亦集

寶制堂錄

下卷

三

爰止嗣是而見者鮮矣山人曰然則鳳村之鳳翁見之乎老翁曰吾嘗見之矣五文九苞戴仁抱義昂然肇生于聖人之都者其老鳳也猶夫岐山之鳴者也翔于千仞之上覽德輝而下之雖離啣啣爲朝陽之鳴者其鳳雛之長也猶夫虞廷之儀者也文采燦爛棲于梧桐之岡而聯飛翩翩者其鳳雛之羣出者也猶夫阿閣之巢卷阿之集者也古者聖人在上麒麟鳳凰咸在郊藪是故鳳村鳳所出也召天地之和昭聖王之瑞復唐虞成周之休鳳其在今日哉山人曰吁有是哉吾聞鳳鳥所居積石千里天生瓊琳琅玕

以爲食者允在茲乎鄙人無知願從老翁往觀其盛

寶制堂錄

下卷

三



此書係... 寶制堂錄... 下卷... 三

說

王應文字說

武昌郡大夫王先生名其四子曰輅冠賓字之曰應  
元元者大也盡之哉或曰應商何如賓曰應文哉孔  
子告顏子乘殷之輅取其質也夫質也者本也文也  
者末也質而不文本重末輕焉未可也是故質勝文  
謂之野君子者文質彬彬者也王子志文學聞文王  
孔子之道質已哉文斯可也質則固文則化矣故曰  
應文應文者質而文者也

寶制堂錄

下卷

三

跋

題川風

巨川李子去明將之粵甬川張子賦詩送之曰川風  
君子曰風也者風也川之風風乎哉是故恭以相遇  
忠以相告志以相感愛以相結夫恭相遇禮也忠相  
告義也志相感信也愛相結仁也禮斯和義斯敬信  
斯孚仁斯親可以風矣詩曰吉甫作誦穆如清風

寶制堂錄

下卷

三

書黃太師卷

右述襄章十二何少師楊公作也留別章二書憐章  
二何司寇林公作也賜骸志喜章一何宗伯毛公作  
也散夕僧仗章三何司寇與少宰何公太史黃公伯  
也卷集何太史使楚少師司寇繼去宗伯去不祿少  
宰遷南都少司空使返輯焉志感也君子曰可以觀  
詩矣圖任觀政體國觀忠愛君觀仁師僚觀德退義  
觀節故曰可以觀詩矣詩曰無言不酬無德不報

寶制堂錄

下卷

三



寶制堂錄  
下卷  
三

書許氏說文後

夫圖者文之始也畫者字之始也著於竹帛曰書書者如也籍之始也厥自遐哉邈矣漢人許慎氏者說文解字著其原也志復古者恒有取焉臺使兩山郭子觀風吳越考閱斯籍訂謬伐譌授工於梓君子曰可以觀世矣夫結繩以上不可及也書契之後僞目滋焉良哉考文以爲治也治以法禁法以令畫令以政一政以文同而天下復古矣是故可以觀世矣

祭文

祭泉山林太宰

嗚呼廟堂元宰館閣鉅公純德雅度一代攸宗闔海  
精英文嶽完氣間世挺生毓和鍾粹憲皇紹統龍飛  
首科進士上第被命鑿坡史局編摩春秋直筆袞芥  
權衡馬班疇匹春宮諭道德輔元良前伊後旦媲美  
周尚天下英才成均樂育穎達在唐敢專芳躅春官  
列卿三禮秩宗伯夷寅直虞廷之風天子經筵名儒  
分直伊川嚴重培養聖德治化方尚文弊質衰日光  
玉潔今也昌黎貢舉之學趨浮尚誕歐陽主司士習  
賢制堂錄

下卷

三

丕變赫赫太宰統茲百官山甫柔嘉屬望朝端居守  
留都政歸司馬休文握兵真安華夏老臣去國身繫  
安危召公篤棗後人弗迷箴免大臣間以災應漢治  
方隆韋賢謝政內有讒倖獨炳幾先九齡罷矣誰復  
開元匪進則憂匪退而樂魏公在相潞公在洛耆願  
壽考既富而康子孫貴盛上比汾陽天不慙遺山頽  
木稼得正而終還于造化深淵大澤虎遊龍亡狸號  
鮑舞四海悲傷三朝宿英聖皇哀悼吊賙頻縟使車  
載道某等式聞遠訃亦孔之悲奔走王事莫展多儀  
絮酒維尊束纁維篚再拜將之涕泣從只冀予鑒之



矢心以辭慟以天下匪哭吾私列星在天河漢在地  
不亡者存以俟來穰

寶制堂錄

下卷

三七



夫古者存心於來時  
不以爲難也  
夫古者存心於來時  
不以爲難也  
夫古者存心於來時  
不以爲難也

祭宣成二賢

於歲唐虞至于成周集羣聖之大成孔子曰春秋至  
于有宋集諸儒之大成朱子也二公友朱子而上師  
孔子者也宣公仕於斯成公生於斯後人仰而服焉  
有餘地矣某生也晚學道未聞恭承天子之命司憲  
視學蓋將竊緒餘以淑多士禮謁之初敢用誠告啟  
佑來學俾與聞于斯道某也非調惟公其惠相之

寶制堂錄

下卷

三



於來學...

...

...

...

...

...

...

祭宣成二賢

祭尊師黃未軒先生

惟公端方嚴重古學古心踐履精粹造詣純正一代聞人也初爲史官道不合罷去孝皇登極召王端毅爲冢宰端毅首起公江右督學監司孝皇從之夫孝皇聖君也端毅賢相也起公於家爲宗伯爲奉常秩和禮樂可也爲司成爲冢宰鑑衡英俊可也爲殿講爲閣學輔養君德可也顧外補焉意者謂江右大藩人才天下稱盛得公教育之他日爲宗伯爲奉常爲司成爲冢宰爲殿講爲閣學者益多皆公之秩和禮樂鑑衡英俊輔養君德也徐而進公爲宰相相天下寶制堂錄

下卷

三九

道合志孚勛聞澤流此固端毅以人事君之忠也固孝皇簡在于心焉者也公至江右端習廼學訓德振頑奮懦大有功於名教士廼駸駸然向方公則踈入請老矣孝皇重留公公去矣君子謂公難進易退道弗大行匪公不遇天下天下不遇於公殆知言邪某下邑鄙人也幼穉愚劣幸收錄于公爲諸生誨迪憐憐與知道者列恒以棄絕公教爲懼三十而入仕四十而無聞愧也久矣兩承憲乏叨踵公躅而踈庸無補視公則鳳凰斥鷃也感公褒公曷其有極哉惟公不作數稔于茲某南奔西走道路阻脩一辭未將百

死奚贖茲獲良便走幣告哀焉公神在上鑒之格之

寶制堂錄

下卷

四



祭張司馬涇川先生

維公知名天下四十年矣詞林稱敏史局稱精講筵稱正成均稱嚴秩宗稱寅司徒稱慎冢宰稱明司馬而居守留都稱端稱肅才稱達守稱介特履稱峻毅天下之人皆知之矣某生也晚釋褐之初識公于朝未嘗登公之門比從事即署公則南矣未幾某亦謫下邑矣欲即公不可德而襄公則恒不能忘也建承乏西蜀嘗聞公于石翁老師承乏南滇再聞公于南園司徒迺復有八桂之命方以謁公爲期既至公不可作矣嗚呼某之不幸也抑亦斯人之不幸也使公寶制堂錄

下卷

四

而存溫公再起潞公復相而天下福矣公之不爲溫公路公斯人之不幸也公塋已卜某也制于視篆不能走哭執公之紼此又某之不幸也菲儀再致哀涕從之是豈一人私而寔爲天下之人悲也惟公其鑒之哉

傳

劉太守傳

劉太守者大庾人也諱永字克脩郡學官弟子治胡氏春秋兼左氏公穀舉永樂十五年丁酉江右鄉薦明年錄禮部甲榜第四義文魁天下入廷對登二甲賜進士出身授刑部主事進員外郎再進郎中才名著甚奉勅巡撫萬全政望赫然邊圍用肅正統間以大學士楊文敏公薦再奉勅知湖廣荊州府事荆地大物繁戎伍雜錯親藩分封其地驕倨不法諸邑騷然比至廉介自勵勸農興學均賦簡訟斥狡爲禁強暴吏胥宿弊爬洗殆盡一郡凜凜化服士卒芻餉月給弗爽期刻貧弱孤寡食惠焉歷任既久庶知親藩淫縱酷虐事甚悉乃疏聞于朝自就桎梏待罪疏入使者械繫至京師下詔獄幾中害會諸大臣廷鞫事皆質請宸斷釋還仍治郡事奪親藩爵削籍世爲庶人荊州之民廼安未幾丁艱去郡民暨戎卒老稚婦媪徒步走京師幾千人乞奪情起復朝廷從之力辭不獲廼勉強墨衰就道既至郡民始帖席當道屢擬爲郡御史巡撫大藩不果竟以疾卒于郡民哀痛如喪父母立祠肖像祀南洲之市伏臘叅謂享獻如存

有訟告祠下乃徃愬比今百年餘不衰節鄉後生也  
承乏蜀臬視學道江陵禮謁遺祠感焉大書賢守劉  
公祠縣于門而去曾孫太學生慎世公家謂節爲公  
作傳紀家乘廼傳論曰子讀史至循吏未嘗不掩卷  
歎良二千石之難也公於循吏中尤稱難者䟽親藩  
于法削其籍於戲䟽難難在公從公䟽難難在天子  
宰相也此西漢而下所罕有者不圖今日見之於戲  
公其無愧賢守也夫

寶制堂錄

下卷

四

桑公傳

敬皇十有七年春三月桑公春卒公始爲襄郡理官  
慎刑罰節力役攝均馴擾悖繼理袁郡辟奸宄攝吉  
反疑獄九載考績䟽謝迺老君子曰仁哉公與夫慎  
刑罰敬也節力役愛也馴擾悖威也辟奸宄嚴也反  
疑獄哲也是故敬者仁之聚也愛者仁之澤也威者  
仁之斷也嚴者仁之毅也哲者仁之察也是故刑罰  
之慎也生斯不傷力役之節也勞斯不困擾悖之馴  
也禁斯不厲奸宄之辟也殺斯不怨疑獄之反也法  
斯平平斯服是故生而不傷者懷勞而不困者慕禁  
寶制堂錄 下卷 四

而不厲者變殺而不怨法平而無不服者化懷者又  
慕者深變者大化者遠是故襄均之民感以思襄吉  
之民忘詩曰有匪君子終不可諼兮此之謂也



墓誌銘

明隱士許驪菴墓誌銘

庾有隱君子諱金字宜諾姓許氏別稱驪菴者庾人稱爲驪菴先生平居讀儒書旁蒐經史百家語究極理道古文辭出入韓歐諸大家師其意語弗襲而矩矱自合作古近體詩出一機軸多類晉唐人風致詞騷樂府麗而雅人勸之仕則曰古人庖牲之喻何謂也遜無不利奚仕爲廼堅隱以老間謂子壻劉生魯曰殤菴有命惟其正顧吾年馳日征體力孱憊殆且死汝他日狀吾行乞汝翁銘我墓我目瞑矣魯矍然

寶制堂錄

下卷

四五

曰吾丈何爲出是言也吾丈甫踰下壽顛毛尚未種種家君嘗謂許驪菴大耋人也吾丈何爲出是言也宜諾曰汝誠我厚也柰何弗知我黃帝老子之術以靜得壽吾豈能靜者今夫木生深山中滋息雨露斧斤不加梁棟榱桷不及乃得以歲月自斃吾才無所於用故勤奔走縲繫勞念慮辟諸木其朽腐巖谷者吾德正終焉矣汝作狀唯實是示毋過情取人疑爲也數月果疾魯往視焉宜諾曰吾言驗哉遂却藥弗納少瘥命諸子遷正寢諸子不欲顧謂魯曰汝亦不愛我耶魯速諸子遷正寢乃更衣卧少頃侍疾者問

不答諸子號泣求之不復矣嗚呼達人以死爲歸宜  
諾其有以歸者也惟吾庾之許自前代爲著姓世系  
邈不可考入國朝族大有貲實故各附小宗徙近地  
唯宜諾世不徙故稱爲中堂許氏高祖諱伯仁曾祖  
諱忠祖諱旻皆敦本實父諱英始讀書起家隱迹以  
自好鄉郡賢之母彭氏宜諾質穎異幼習辯童蒙小  
學過目輒誦長游先大夫門言規步矩見同舍生事  
文藝輒不滿以請先大夫曰汝金志不在是耶古鄉  
舉里選惟行之求至漢舉賢良孝廉法猶不爽古昔  
隋唐以文取士辭日盛而士風卑不可挽矣今汝金  
寶制堂錄 下卷 吳

曰古人古人惟誠僞義利之辨毫釐千里汝其慎是  
哉宜諾唯唯郡守張公汝弼雅好士至二載宜諾以  
力役從事見公異曰吾久欲得士何相見之晚也宜  
諾對曰田野細民惟躬耕稼力食耳大夫位高禮絕  
非役見則非義矣公益異之舉爲學官弟子以未學  
辭強之乃吐實公曰人各有志吾終不汝下也廼命  
以諸體詩大許可請益乃間爲竄易宜諾遂大進郡  
守諸公民瞻繼至知宜諾名不強致歲里人以宜諾  
父讐輸粟實塞下達邑邑上郡宜諾諫曰輸粟義也  
亦有國恒典金則不欲以是勞大人遂作書詣郡請

免諸公喜其至聞且詰曰汝人子也柰何不欲榮汝父邪宜諾懇曰金不孝不能爲父榮是舉則金父不欲金不敢以志強明公崇孝敦信必可孚也諸公從之迨鄧公子榮來守偕別駕吳公希瞻親造廬謂曰賢而隱古人所難長郡者得高蹈士如賢輩波及多矣謝不敢當齒幾六袞累舉學宮鄉飲賓不赴郡守季公彥文當主禮謂諸生曰是郡者逸莫賢許某不實無謂也乃手書走使踵至宜諾始一赴其見重郡大夫如此始宜諾居父喪號泣幾絕衰杖躄踊不廢禮後喪母如喪其父執禮致哀瘠如也凡期功緦袒

寶制堂錄

下卷

望

喪在三族弔哭罔不哀處大小宗老長昆弟子姓務以愛敬相篤嘗曰始于一人而今爲途人吾弗忍也居家尚儉朴恒語諸子曰古今人未嘗以侈存約敗者鄉人如某者世富田貨使能謹若乃祖父雖至今存可也如某某儉若近嗇今則豐裕以光大先世也爾輩獨不省悟誰適從邪主婚媾大輒欲復古禮聘奩享蒸從中制不爲浮靡無益費始或議其非久更是之卒有效而行者待鄉黨煦煦悛悛不面折人過其性也人有善雖微播揚之恐後或謀以事義可爲則曰我不辭也如弗義則曰我不能也鬪且訟者輒

閉戶若將浼馬度人稱賢厚質直必曰許某許某鄉先生太守蔣公公紀少尹蔣公一寧其所事也譚學諭汝亨張少叅天衢孫令尹維璐尹大學粹夫林學訓瑞卿王屯部廷和劉憲部彥亮皆姻婭且所從也蔡逸士庾則以詩相長益者也末與修郡志采錄讐較博洽不遺筆削則公而法志家稱難結室郡郭小西湖之隅購書較閱其中老且不倦所爲詩文多出應酬不存草魯方輯其散逸爲離菴集如千卷藏于家宜諾取陳氏再取蔣氏皆邑右族處女生男子五女子三長雲翔次雲翊取憲部女弟長女歸徐千戶

寶制堂錄

下卷

四

從弟麟次歸學諭從弟郡學生願陳出歸吾子郡學生魯又次女也其子次雲舉次雲剪取太學女次雲玃蔣出孫男子貢賚寶賀孫女某曾孫某宜諾生景泰七年丙子四月念二日正德十二年丁丑十月初六日卒壽六十有二巳卯年十二月念四日從先兆遷二配合塋西華大水坑之原予歲巳酉扶先大夫柩還自合浦宜諾暨其內弟陳必大氏與予善比締昏必大主之時予繆薦鄉選宜諾喜曰吾江右士稱盛甲天下就試牒歲幾萬人取捷者百始一耳子旣爲之冠則翹然裒然于天子之庭者其在予乎比舉

進士主司馬部政久弗相覲乃賦雲樹餘情詩懷宜  
諾自叙系以傳論尤詳未幾出爲令移州牧簡命蜀  
臬後先晤語宜諾僅旬月爾日有八桂之命取道過  
省計當與宜諾相從泉石而宜諾不可作矣悲傷哉  
悲傷哉子無以慰宜諾於下地也已矣嗚呼宜諾爲  
先大夫門人于子爲友予子魯爲宜諾館甥銘宜諾  
墓回宜奚忍以不文負宜諾耶遂按魯狀誌而銘之  
銘曰惟士不賓惟志不惰惟道不屯以遺其後人

寶制堂錄

下卷

四

墓表

陳母鄧氏孺人墓表

予友陳必大母氏太孺人鄧以卒于嘉靖丁亥二月九日詎始生正統丁卯某月某日爲年八十有一嗚呼可謂壽矣母出梅峯先生梅峯吾庾聞人母其鍾愛女也再歸陳翁某諱某字某是維必大先考者隱君也翁失元配擇良娣焉賢母廼偶母性嚴閨閫內人無敢嘻嘻者治生理勤約周至自歸陳幾六十年無一日侈縱以懈穀粟一升布帛麻枲一尺金一銖泉楮錙一文貫非母手弗預出納翁初業商弗內顧寶制堂錄

下卷

五

未致豐豫稼負郭腴田數十頃作居室重屋隆隆起母力也翁謝世母總家政不以勞必大賓客至必大欲延款則白曰賢者也飯諸何如母曰業已備矣出醇醕嘉穀蔬精粢如宿具然賓客咸稱曰侃母弗過也必大初業舉補學官弟子母延師教之翁舉子晚得必大英茂愛篤不喜師朴母意雖懇懇第欲言恒遣人告師曰嚴厲課責教不當如是耶師嘆曰賢母賢母翁元配李生女二母愛厚如已奩儀饋禮務加豐腆長適朱紱次許金庾詩人子子魯婦翁也必大居翁喪服闋母憐其勤瘁鮮兄弟不欲終業必大

重違志得文學格終母養母喜既而得詔學官弟子以養告授仕者冠服必大請焉母益喜恒煦煦語必大曰吾終身唯汝恃也使汝僕僕走仕籍孰恃我養今汝日在側盃飯杯羹吾母子共之三釜九鼎不足多也必大跪謝曰賴吾母教兒得此足矣唯母多壽不肖幸甚母益喜必大初取何生子一咸不學母恒戚戚再取伍生子三不舉恒戚戚女三舉之長適劉錢千戶朝敬承祿子也次適戚世衡先母卒一歲二女者遣儀雖出必大母手經畫尤多次尚幼母愛益篤再取甘未孕必大年五十始舉一子紹虞側室出寶制堂錄

下卷

五

也母稍稍慰甫晬餘母病矣今年春正月予以起復補官還自京師母在床褥往拜問曰某歸矣母力疾尚慰勞且曰吾兒與汝友善我即不幸汝終扶持之予復曰母壽未艾也病將勿藥矣請勿慮既而日攜子魯問母疾母答慰益切教魯悲悵悵如平居言諸姻婭問疾踵至各慰答如響必大墜內子甘曰侍藥母歷歷以家事相囑勤儉外無長語二月七日子再問母作兒啼曰吾不能起矣吾子平生交唯汝叅政惟劉正郎惟二子母棄諸時子弟彥夫在問母泣呼曰劉三叔謝汝謝汝三叔彥夫行稱也母言不亂類

此越二日子再至母病革矣嗚呼痛哉予將之汧告  
行于必大必大泣曰孤不德不能顯吾母終身憾也  
茲不幸將卜吉窆吾母合先君墓先君墓于嘗書石  
矣吾母子知益詳墓石必得于書庸不朽吾母目尚  
瞑九原哉予亦泣不忍辭既蒞汧謹述母行報必大  
鏡諸堅石樹母墓以詔來者塋之吉則某年某月某  
日也預書以俟必大名志高世系詳具翁墓茲可略  
故不書

寶制堂錄

下卷



明文林郎山陰縣知縣白軒孫君偕配劉孺人  
合塋墓表

大尹白軒孫君嘉靖丙申年十二月初九塋西華山麓繼配孺人劉氏庚戌年十二月十三日合塋于右其子繼文繼祿請表于墓禮也予以白軒之墓習既銘矣表則辭哉繼祿予門人也致懇曰漢蔡中郎爲陳太丘作碑作廟碑作墓銘唐韓吏部爲王觀察作墓銘作神道碑公于吾考交久且篤獨不爲中郎吏部碑銘陳王二君子哉予不得辭按狀君諱瓊字維璐號白軒更號一白姓孫氏大庾人高祖智賢郡廩寶制堂錄

下卷

五

生曾祖義拳祖安俱不仕父全亦隱德老爲鄉飲者賓前母嚴氏母鍾氏白軒生質穎秀七歲就外傅十二讀毛詩作文有奇思郡太守試輒居首選督學憲副選入郡學弟子員十六晋廩二十改肄周易中弘治戊午科舉人已未會試已入彀矣同會唐寅榜未揭而誇首內果定致十名遺諸後查始知列名第六嗣是五試春官不第遂投牒天官授浙江山陰知縣階文林郎山陰浙巖邑君下車興學勸農崇節義植貧弱旌善懲惡士民賢之歲患海決人溺死室廬飄蕩無筭君親詣相度教民造木橰石實其中置岸側

潮湧沙積遂成堤障鮮崩壞民甚德焉隣邑有疑獄  
歲久不決當道屬君讞鞠之得其情遂伏罪諸健訟  
難折者賴君平反爲多巡按巡嵯清戎諸監藩臬諸  
長郡貳守佐咸加重注以上考三載上治行士民欲  
留君終惠當道弗許比行適新監察至性暴悍供具  
弗稱肆苛毒君微詞諷之觸其怒假他事讓君君義  
不受讓弗然曰枉道媚人辱已希進吾弗能也遂解  
印綬去諸當道惜之士民追挽不可止矣君父毅齋  
性嚴厲雖小過不能容君起敬起孝順志奉養舉鄉  
薦後再往試計毅齋已老私製衾棺藏于別室乃行

寶制堂錄

下卷

五

明年毅齋果卒殮殯不遺諸弟營購母鍾氏在堂任  
山陰迎就養謝事歸朝夕問母起居鼎俎祠禡寒暑  
不失數年乃卒親治喪具務從厚多出已費諸弟姪  
不與焉仲弟璠季弟瑤親授經藝汲引爲郡學生女  
弟適鄧經具娉歲給穀粟周贖之不吝鄉人咸稱其  
義家食時嘗督僮僕力耕稼既謝歸創別業于五里  
山之原置腴田數頃廣率僕佃編畝佈種儲積益豐  
厚鑿池沼養魚鮮供賓宴日與封翁王梅軒劉葵齋  
暨諸耆舊飲酒歌樂不厭郡邑守宰非公事不見非  
弔喪問疾不進城內營建居室崇廣華麗足爲光裕

之謀君子避之孺人姓劉氏省祭官天章仲女也有懿德在室恪守姆教時白軒業南雍先室陳孺人卒于家白軒求繼配媒妁氏以爲莫賢于劉媛者通言締好遂媾于孫年踰偕返家室事翁姑能盡孝養處伯叔姊姒及諸姑姨歲時往來饋款豐約稱禮初未婚待陳孺人諸子女盡母道飲食衣服咸豐厚飽媛無彼此異既生子女撫摩鞠育均平齊一與側室諸子女無先後異婚嫁奩儀金帛簪餌服飾無厚薄輕重異古之人爲繼母者雖尹伯奇閔子騫之賢孝尚不得其感而順焉而況其他乎孺人德性閒靜貞睦

寶制堂錄

下卷

五五

閨閫事柔順以處無侈縱無專制同履山陰慎固扃鑰內言不出外言不入待媵妾絕無妬忌且恩惠周洽羣小感仰依戴有奉以終身不改事他人者女婦中所罕見矣白軒生於成化乙酉九月三十日卒于嘉靖壬辰五月十二日壽六十有八孺人生于成化壬寅十月十日卒于己酉五月十日壽亦六十有八生卒雖異而年壽則同可謂難矣白軒生子五人長繼文例授承事卽晚年舉耆賓娶繼皆吳氏次繼武郡學弟子員娶謝氏次繼明亦郡學弟子娶張氏皆先卒孺人陳氏出次繼祿起群學弟子應歲薦爲國

子生娶王氏繼劉氏孺人出次繼芳例授親藩典膳  
娶吳氏側室朱氏出女子二人陳出者字鍾仕述劉  
出者歸穆武臣亦皆先卒孫男七人希周希尹希灝  
希願希夔希龍希臯孫女十一人易翠王尚文許相  
張希楚鄧子任劉堯臣劉燁彭紹科劉志大朱俊何  
文節其孫壻也魯孫四人應元應時應期應召魯孫  
女五人俱幼夫以白軒之狀玉池方伯作銘則予作  
也劉孺人狀鶴庵太守作銘則玉池作也玉池白軒  
門人鶴庵白軒姻家繼祿國子之妻父也予侄國子  
香之子堯臣乃國子之壻而國子之子希夔聘予壻  
寶制堂錄

下卷

五

副千戶鄭應麟女乃玉池之孫志大則又國子之壻  
也三氏連姻用紀于後以見銘狀可信而百世之下  
有攸考云

明誥贈奉政大夫四川按察司僉事顯考合浦  
訓導府君封太宜人顯妣歐氏合塋壙志

嗚呼此先考贈奉政大夫按察僉事合浦訓導梅谷  
府君先妣封太宜人合塋壙也府君諱某字某別稱  
梅谷姓劉氏世爲大庾人先高祖諱均志先曾祖諱  
文遠先祖諱原芳皆處士先祖祖母張氏長伯諱洪仲  
伯諱洵皆早卒府君季子也幼聰敏過人讀書史三  
五過遂不忘年十五入郡學爲弟子員肄周易成章  
雷教授喜穎秀授以毛詩三月肄終卷甚樂慰大期  
許天順間御史劉公叅政王端毅公歲試優以廩穀  
寶制堂錄 一卷 五  
稱茂材堂試輒首選不易成化乙酉御史陳公士賢  
監臨鄉試預試時務策府君敷答明切援古證今鑿  
鑿可行陳公驚歎曰俊傑哉置首選試他郡士即出  
策示曰此江西人物也比入貢院初試文思沛發至  
日夕給燭偶風急燭滅錄未畢出遂不第歲丙戌先  
祖棄養府君執喪如禮不敢怠甲午堂試復首選當  
往鄉試先祖母疾日侍藥有司速行力辭未幾先祖  
母果不起人皆稱曰孝子孝子服闋貢禮部進廷考  
吏部授以廣東廉州府合浦縣儒學訓導大夫士咸  
爲稱屈府君怡然語人曰吾命也分也昔人謂二郎

必做殆然邪吾望足矣府君性純孝事先祖曲盡教  
養飲食起居竭志承順溫顏婉詞必歡悅乃安先祖  
母性至嚴雖季子極鍾愛家庭恒厲色厲言未嘗假  
借府君事益孝誠不敢少懈服先祖先祖母喪過悲  
感執衰杖至禫乃釋塋祭咸以朱子家禮弗越訓合  
浦不鄙夷其士勵以德行長者授經史幼者親爲句  
讀不倦士皆化服諸生始有舉鄉試者論教歸功焉  
處賓僚事郡守佐謙恭有禮不爲諂郡守重才識每  
舉攝邑篆辭益決愈敬服平居自奉甚薄食無兼味  
衣服惟布帛裘葛無華靡待人率誠寔有急周之有

寶制堂錄

下卷

五

謀忠以報之不欺長幼卑尊各得其情無不感慕爲  
人師端方嚴峻誘掖汲引喻以道義諸生至今語有  
泣下者歲丁未秋七月疾冬十二月望幾愈又二日  
早食後坐寢榻忽呼伯兄曰巽四更否諸孤始驚問  
不答進藥不納號泣請遺訓不言伯兄再三泣請曰  
二幼弟命孰爲秀才父乃曰劉節是夜四鼓果卒卒  
後三十四年爲正德庚辰始得請贈爲奉政大夫四  
川按察司僉事嗚呼痛哉先妣太宜人出歐氏外高  
祖諱某外曾祖諱某外祖諱仁貴亦處士外祖母何  
氏先妣性柔慧貞靜不類凡女始笄歸府君盡婦道

事先祖先祖母能極誠孝先祖不諱時府君爲學諸  
生伯兄年始十二先妣教以督耕語曰母以家事累  
汝父學業治生益勤儉有儲蓄婚伯兄嫁二女兒儀  
皆充裕喪先祖祖母塋祭盡豐腆資費出先妣力  
居多府君教合浦偕往每以祿薄自計親幕沽酒直  
爲助府君不祿攜諸孤扶輿塋如禮遣孤節暨甫  
就外傳至脫簪珥爲束脩不吝稱未亡人者三十餘  
年閨閫斬肅手續麻桌備奩儀遣二幼女兒與長無  
異時人稱難節叨通朝籍迎養京師比謫宿松道江  
值風大作舟幾覆先妣神色不動既抵岸曰媪無失

寶制堂錄

下卷

五

德免居官不敢無狀吾固知無虞也轉廣得仍就養  
日惟訓節勤慎廉恕毋變其初速官誇節謹奉教再  
轉四川雲南道險遠不復往節以僉事請封司封部  
疏上得旨封爲太宜人節自雲南改廣西取道過省  
數月先妣遣行再三曰君命在躬毋以我故違也第  
速往相見有期久住反勞我念矣節不獲辭乃往移  
俸歸養去歲壬午秋試畢請謝事終養當道泥故格  
不許今年春二月假入考求解任乃歸抵家先妣喜  
曰渴思吾兒一見足矣閏四月十三日微有疾十八  
日頗篤次日即愈歷歷道平生事訓諸孤及諸婦皆

理道語五月一日疾忽亟進藥弗瘳二日曉就枕奄  
然逝諸孤號泣不復矣嗚呼痛哉府君生正統戊午  
年十一月三日壽五十先妣同是年六月七日生壽  
八十有六生子三長伯兄巽不仕先二十九年卒次  
節叨舉鄉試第一成進士歷主事知縣知州提學僉  
事兵備副使仍改提學今爲左叅政季弟甫未仕女  
四長火姑歸蕭貴顯次閨娘適張授再適何景顯皆  
先十餘年卒次三姑適彭瓘次四姑適周文訓再適  
彭仲富巽娶鍾氏思泰女節娶周氏文顯女生長子  
魯郡學生娶許氏隱士金女生女壽姑字王懷知府  
寶制堂錄 下卷 卒

鑾孫仲子音聘張氏叅議九達女女桐姑字蔣曰霽  
按察副使誠曾孫繼娶鍾氏克琇女尹氏珍女甫娶  
黃氏秉中女生子香郡學生娶彭氏通判瑩女女雪  
姑適易恒同知忠姪毛姑適何統三尚幼府君先塋  
五里山下弗協吉乃告遷與先妣同塋浮江上坪田  
嗚呼孤節不肖不文謹述狀略誌於壙廼若表于墓  
碑于神道傳于家乘敢俟于立言君子庸垂不朽  
嘉靖二年癸未十月庚申不肖孤節泣血誌



梅國公自贊

爾文弗優胡爲乎元魁刻錄爾政弗達胡爲乎冒濫  
尹牧爾道弗聞胡爲乎視學兩藩爾才弗博胡爲乎  
承流三省旬宣爾德弗周胡爲乎撫綏齊魯畿甸爾  
弗知兵胡爲乎備戎南檄爾弗明刑胡爲乎佐憲西  
臺所幸免者謫居蒞任歷所履而無曠職通都僻地  
隨所至而無他虞紆朱佩金雍容溫謹年甫五十有  
八而投箸拂袖年躋七十有三而力學明農少稱梅  
國主人長稱雪臺迂史老則稱爲涵虛翁也



爾文弗優胡爲乎元魁刻錄爾政弗達胡爲乎冒濫  
尹牧爾道弗聞胡爲乎視學兩藩爾才弗博胡爲乎  
承流三省旬宣爾德弗周胡爲乎撫綏齊魯畿甸爾  
弗知兵胡爲乎備戎南檄爾弗明刑胡爲乎佐憲西  
臺所幸免者謫居蒞任歷所履而無曠職通都僻地  
隨所至而無他虞紆朱佩金雍容溫謹年甫五十有  
八而投箸拂袖年躋七十有三而力學明農少稱梅  
國主人長稱雪臺迂史老則稱爲涵虛翁也

梅國公自贊



